

PWYLLGOR:	PWYLLGOR TRWYDDEDU CANOLOG
DYDDIAD:	24 MEHEFIN 2013
TEITL:	FFIOEDD A THALIADAU ARFAETHEDIG 2013/14 – ADRAN GWARCHOD Y CYHOEDD
PWRPAS:	ER PENDERFYNIAD
AWDUR:	PENNAETH YR ADRAN RHEOLEIDDIO

Yn yr atodiad i'r adroddiad hwn, ceir y ffioedd a thaliadau arfaethedig ar gyfer Gwasanaeth Gwarchod y Cyhoedd 2013/14 y mae angen i'r Pwyllgor eu cymeradwyo.

CRYNODEB AC EGLURHAD AM Y NEWIDIADAU

Gellir gweld o'r tabl atodol sy'n nodi'r ffioedd a'r taliadau arfaethedig, fod llawer o'r ffioedd yn aros yn sefydlog. Mae'r ffioedd hyn yn statudol ac felly nid oes unrhyw reolaeth leol dros godi'r ffioedd hyn. Mae'r ffioedd statudol yn cynnwys ffioedd sy'n berthnasol i Ddeddf Gamblo 2005 a Deddf Trwyddedu 2003.

Bydd rhai o'r ffioedd arfaethedig yn cynyddu ychydig yn unol â chwyddiant.

Yr unig ffioedd lle ceir newidiadau arwyddocaol yw

- Ffioedd ar gyfer cofrestru person ac eiddo ar gyfer tatwio, tyllu'r corff, electrolysis ac aciwbigo
- Ffioedd ar gyfer sefydliadau Rhyw
- Ffioedd ar gyfer marchnadoedd a ffeiriau

Tatwio, tyllu'r corff, electrolysis ac aciwbigo

Rheolir y gweithgareddau hyn yn unol â darpariaethau Rhan V111 o Ddeddf Llywodraeth Leol (Darpariaethau Amrywiol) 1982, adrannau 14 a 15. Mae'r Ddeddf yn caniatáu i Awdurdodau godi "ffioedd yr ystyrir ganddynt yn rhesymol" er mwyn cofrestru personau ac eiddo busnes at ddibenion y gweithgareddau hyn.

Prif amcan y cofrestriad yw gwarchod iechyd y cyhoedd, ac osgoi trosglwyddo afiechydon heintus; ni ddylai'r ffioedd a osodir ar gyfer y dibenion hyn fod yn afresymol. Yn y gorffennol, codwyd yr un ffi ar gyfer cofrestru eiddo a phersonau. Mae'r swyddogion wedi gwneud y penderfyniad yn seiliedig ar brofiad blaenorol fod codi ffi fesul person yn afresymol, a'i fod yn rhwystro pobl newydd sy'n gweithredu o eiddo busnes rhag cofrestru.

Felly, cynigir cynyddu'r ffi ar gyfer tystysgrif cofrestru eiddo o £76 i £100; a gostwng y ffi ar gyfer cofrestru person o £76 i £35.

Sefydliadau Rhyw

Trwyddedir sefydliadau rhyw (siopau rhyw) gan Ran 11, Atodlen 3, ac adran 6 o Ddeddf Llywodraeth Leol (Darpariaethau Amrywiol) 1982. Yn y gorffennol mae llawer o Awdurdodau Lleol wedi pennu ffioedd cymharol uchel ar gyfer gweinyddu'r grant, adnewyddu neu drosglwyddo'r ffioedd hyn.

Ar hyn o bryd, mae'r ffioedd ar gyfer sefydliadau rhyw yng Ngwynedd fel a ganlyn –

Siopau Rhyw	FFI 2012/13
CAIS NEWYDD	£2,972
ADNEWYDDU	£1,486
TROSLWYDDO	£1,486

Mae asesiad o'r costau'n ymwneud â phrosesu'r trwyddedau hyn yn dangos fod y ffioedd a godir yn uwch na'r costau i'r gwasanaeth. Mae Adran 19 o Ddeddf Llywodraeth Leol (Darpariaethau Amrywiol) 1982 yn datgan y gall Awdurdodau Lleol bennu ffi sy'n rhesymol.

O ganlyniad i ddyfarniad diweddar mewn achos amlwg yn erbyn Cyngor Westminster gan berchnogion saith siop rhyw, ni all Awdurdodau Lleol barhau i godi ffioedd sy'n uwch na gwir gostau prosesu'r trwyddedau ar gyfer sefydliadau o'r fath.

Felly, cynigir gostwng y ffioedd ar gyfer cyflwyno cais, adnewyddu a throsglwyddo trwydded yn unol â'r union gostau a wynebir gan y cyngor, fel a ganlyn –

Siopau Rhyw	FFI ARFAETHEDIG 2013/14
CAIS NEWYDD	£268.07
ADNEWYDDU	£268.07
TROSLWYDDO	£268.07

Marchnadoedd a ffeiriau

Yn hanesyddol mae marchnadoedd a ffeiriau wedi'u lleoli mewn rhai ardaloedd yng Ngwynedd, ac mae'n bwysig i'w cynnal, ac nad yw ffioedd a thaliadau uchel yn eu llesteirio.

Fodd bynnag, mae'r costau a wynebir gan y cyngor mewn perthynas â dyletswyddau casglu arian parod yn ddiogel, trefniadau gwaredu ysbwriel a goruchwylio'r marchnadoedd yn cynyddu.

O ganlyniad, cynigir y dylid cyflwyno cynnydd o 10% yn y ffioedd ar gyfer stondinau trwyddedig ac achlysurol, ynghyd â stondinau ffeiriau.

Cyflwynwyd gostyngiad yn y ffi ar gyfer taliadau a wneir yn flynyddol yn electronig neu drwy daliad banc uniongyrchol, gan fod y costau i'r Cyngor ar gyfer prosesu taliadau o'r fath yn sylweddol is.

ARGYMHELLIAD

Gofynnir i'r Pwyllgor ystyried a chymeradwyo'r ffioedd a gynigir gan Bennaeth yr Adran Rheoleiddio.